

中華民國二十三年八月初版

浙江通志 四冊

每部定價大洋拾壹元

外埠酌加運費匯費

發行人

王

上海河南路

五

印刷所

商務印書館

上海河南路

館

發行所

商務印書館

上海及各埠

館

景印浙江通志序

博稽故實淹貫人文以昭進化跡象而資羣治考鏡在
 國爲史在地方爲志乘會稽章氏謂方志爲國史要刪新會梁
 氏亦稱良史成於良志蓋方志之作與史雖異其揆一也浙江
 爲東南文化重心周末以還秉筆纂述代有其人遠如越絕書
 吳越春秋及漢之三郡記吳之會稽土地記殆均方志權輿宋
 室南渡臨安尤繫宗社之重自時厥後文物蔚興州邑志乘蒐
 輯漸夥而省志之作則昉自明薛應旂所輯通志清康熙間浙
 督趙士麟曾因薛志增修倉卒歲事殊病簡略雍正七年詔各
 省修志浙督李衛設局編纂凡歷五年成志二百八十卷迨乾
 隆初總督嵇曾筠更爲補訂表上付刊光緒二十五年復經浙
 江官書局重刻卽今本通行者是四庫總目稱其體例視他志



爲優蓋篤論也滌平退食之餘嘗加瀏覽以爲措施輦鑑竊以浙省承平日久人文薈萃著述斐然而自乾隆至今二百年間斯志迄未續纂兩浙文獻散佚堪虞輒擬重修顧時事方亟庫帑正虛而纂輯事繁經始匪易前茲執政諸公亦曾屢議屢寢有志莫逮遭時倍艱深可慨嘆是書取材豐備足爲方志規範司政教者果能人手一編好古敏求於以明乎一省典章文物之遺攸關國計民生之鉅更因浙人士對歷史文化之供獻激勵其興亡有責之心警覺提撕於是乎在今商務印書館就舊本景印俾廣流傳蓋卽斯意既嘉惠士林裨益文化亦足爲他日省志續修之嚆矢故樂爲之序

民國二十三年七月魯滌平

wt46/02

浙江通志索引說明

(二)體例

本索引依照王雲五氏發明之四角號碼檢字法排列，體例如下：

甲 單字註四角號碼及附角之號碼於該字之上。

〔例〕 〇〇一〇四童

乙 各條名詞除第一字已於單字上註明四角號碼，不再重註外，其第二字取第一角第二角之號碼，冠於該條之上。

〔例〕 〇〇一〇四童

一七童子習

丙 各條名詞之第三字仍依四角號碼順序排列，但不註號碼。

〔例〕 〇〇一〇四童

一七童子習

童子拳

(二)取材

凡書內所有關於詔諭，聖製，圖說，星野，疆域，建置，山川，形勝，城池，學校，公署，關梁，古蹟，水利，海塘，田賦，戶口，蠲恤，積貯，漕運，鹽法，權稅，錢法，驛傳，兵制，海防，風俗，物產，祥異，封爵，職官，選舉，名宦，人物，寓賢，方技，仙釋，列女，祠祀，寺觀，陵墓，經籍，碑碣，藝文，雜記，等各條名詞，均分別採取。

(三)排列編次 本索引之排列編次，以單字為主，獨佔一行，各名詞之下註明頁數，頁數之下註

明上下欄別，以便檢查。

〔例〕 ○○○一○四童

一七童子營 四一四二下

童子峯 五六七上

(四)各頁邊框外所列之號碼及單字，爲本頁四角號碼之起訖及本頁內之單字。

(五)四角號碼檢字法說明詳見次頁。

第二次改訂四角號碼檢字法

王雲五發明

第一條 筆畫分為十種，各以號碼代表之如下：

號碼	筆名	筆形	舉例	說明	注意
0	頭	一	言 主 产 产	獨立之點與獨立之橫相結合	0 4 5 6 7 8 9 各
1	橫	一	天 土 地 江 元 風	包括橫、刁與右鉤	種均由數筆合為一
2	垂	丨	山 月 千 則	包括直、撇與左鉤	後筆，檢查時通單
3	點	丶	小 茅 乇 乇 之 衣	包括點與捺	筆與後筆並列，應
4	叉	十	草 杏 皮 刈 大 荷	兩筆相交	儘量取後筆；如止
5	插	扌	才 戈 申 史	一筆通過兩筆以上	作0不作3，寸作
6	方	口	國 鳴 目 四 甲 由	四邊齊整之形	4 不作2，厂作7
7	角	ㄚ	羽 門 仄 陰 雪 衣 學 罕	橫與垂相接之處	不作2，ㄣ作8不
8	八	八	分 頁 羊 余 災 彳 屮 午	八字形與其變形	作3 2，小作9不
9	小	小	尖 糸 彳 呆 推	小字形與其變形	作3 3。

第二條 每字祇取四角之筆，其順序：

(一)左上角 (二)右上角 (三)左下角 (四)右下角

(例) (一)左上角 (二)右上角
(三)左下角 (四)右下角

檢查時按四角之筆形及順序，每字得四碼：

(例) 頭 = 0123 截 = 4335 際 = 0739

第三條 字之上部或下部，祇有一筆或一複筆時，無論在何地位，均作左角，其右角作0。

(例) 宣 直 首 彳 彳 宗 母

每筆用過後，如再充他角，亦作0。

(例) 干 之 持 掛 大 米 軍 時

第四條 由整個口門門所成之字，其下角取內部之筆，但上下左右有他筆時，不在此例。

(例) 因 = 0000 閉 = 7734 關 = 7719

齒 = 4400 潤 = 3712

附 則

I 字體均照楷書如下表

正	佳	巳	反	𠂇	尸	安	心	卜	斥	刃	业	亦	草	真	執	隅	疾
誤	佳	巳	反	𠂇	尸	安	心	卜	斥	刃	业	亦	草	真	執	隅	疾

II 取筆時應注意之點

- (1) ㄇ 尸 等字，凡點下之橫，右方與他筆相連者，均作 3，不作 0。
- (2) 尸 𠂇 門 等字，方形之筆端延長於外者，均作 7，不作 6。
- (3) 角筆之兩端，不作 7，如 '𠂇'。
- (4) 交叉之筆，不作 8，如 '美'。
- (5) 𠂇 中 中有二筆，水 𠂇 旁有二筆，均不作小形。

III 取角時應注意之點

- 1 獨立或平行之筆，不問高低，概以最左或最右者為角。

(例) 非 倬 疾 浦 帝

- 2 最左或最右之筆，有他筆蓋於其上或承於其下時，取蓋於上者為上角，承於下者為下角。

(例) 宗 幸 寧 共

- 3 有兩複筆可取時，在上角應取較高之複筆，在下角應取較低之複筆。

(例) 功 盛 頗 鴨 奄

- 4 斜撇為他筆所承，取他筆為下角

(例) 春 奎 雄 衣

- 5 左上之撇作左角，其右角取右筆。

(例) 勾 鈎 倬 鳴

IV 四角同碼字較多時，以右下角上方最貼近而露鋒芒之一筆為附角；如該筆業已用過，則附角作 0。

(例) 芒 元 洋 是 疝 歆 畜 殘 主 難 霖

毬 拼 蠻 覽 功 郭 癢 愁 金 逮 仁 見

附角仍有同碼字時，得按各該字所含橫筆（即第一種筆形，包括橫刀及右鈎）之數順序排列。

例如 市 帝 二字之四角及附角均同，但市字含有二橫，帝字含有三橫，故市字在前帝字在後，餘照此類推。

勅修浙江通志序

自班固易八書爲十志而郡縣徵文杜融之事未各
以志名兩浙爲東南名區若統十
則自前明方山薛應旂始今覽其
地險易政事沿革在網不紊惜乎
之未詳迨康熙癸亥復徵耆碩分任修輯以數月告
竣且局於薛之門類未能遽稱盡美我

世宗憲皇帝振綱肅紀百廢具興

特允廷臣之請

命將各省志書重加編纂務得完善以資采擇奉

詔之後卽啟館聚書邊聘淹貫之士考核刪訂經始於雍正

九年脫稿於十二年冬而繕本授梓則十三年秋也

爲門五十有四卷二百有八十視舊志爲加詳焉甲

寅冬

臣 王麟衡

命兼轄兩浙由閩疆取道括蒼經東甌歷西越駐節武林以

次徧巡浙地見夫井疆戶口之殷庶士習民風之謹

醇以及山川城郭軍營斥堠之雄武整飭仰見我

朝之

列祖

列宗經營締造休養生息率土化成遠邁隆古兩浙則尤沐

湛恩之渥而風移俗易者也今

上續承大統勤求治理薄海內外罔不率俾是志之輯正

以上昭

朝廷之謨訓功烈下著臣民之節概文章而疆域土物之

屬亦采之詳而考之確焉庶足以潤色鴻業揚光休

明豈獨故實有徵爲一時之觀美已也 臣 王麟學慙

稽古識昧通經縱使夙夜研求無裨志乘而忝列封

圻率屬校讎罔敢憚勞例得臚言以識簡端俾天下

知一道同風之盛有如是而 臣 得附名以垂不朽云

乾隆元年七月

詔授光祿大夫兵部尚書福浙總督前總督福建浙江等

處地方軍務兼理糧餉兼都察院右副都御史拜他

拉布勒哈番加八級紀錄三十八次功加一等 臣 郝

玉麟謹撰

勅修浙江通志序

雍正十年歲在壬子 臣以菲材恭膺

世宗憲皇帝簡命節制兩浙於時方修通志稟輯未竟綏理

之暇重加參稽竊見十一郡舊志其僅存於今者如

咸淳之臨安嘉泰之會稽至元之嘉禾及赤城新定

諸志而已自明洪永以後增修繼作下逮屬縣纂述

紛紜然未有省志也省志則自嘉靖中華亭徐文貞

階始武進薛方山應旂踵成之我

朝重熙累洽共軌同文四遠來賓入荒在宥方輿之式廓

聲教之誕敷爲前古所未有而兩浙曾經

聖祖仁皇帝翠華南幸

恩綸疊沛六十餘年休養生息人物之彬郁都邑之雄富

水泉之疏衍財賦之豐饒風俗之醇茂疆理之規畫

至美且備攬筆而書之宜有以紀鴻懿而昭炳蔚矣

顧自康熙乙丑前撫 臣趙士麟嘗因薛志之舊損益

成書而舊章舊聞尙多脫略標序章憲未見詳明茲

特加博采羣然具備前志分三十七門今引其緒而

增益之類十有七合五十四門計二百八十卷凡官

斯土者援章考索伏覽

天章可以瞻鴻編之輝耀焉載聞

獨恤可以仰膏雨之隆洽焉於海塘海防可以見阻阨之

克固焉於積貯漕運可以見儲備之有道焉於錢法

鹽法權稅驛傳可以見經制之咸宜焉於經籍碑碣

可以攬遺文而補缺失焉於名臣忠臣武功循吏介

節可以傳駿烈而溯清徽焉

聖治愈隆大文彌著則今之增於舊者固處於不得不詳

之勢而非以夸大而競富也書既成將付剞劂更延

紳士校勘蓋兢兢乎慎之矣恭惟我

皇上續承大統綏猷建極富有日新兩浙之民咸沐浴福

應被潤澤於無窮盱衡盛美其將何以揚扆會 臣奉

命還都旋督漕運未能躬竣厥事越丙辰浙藩司以 臣曾

董是役復寄刊本展卷洛誦迴環再四仰見我

國家之消化至治歷歷在是而千載之掌故洪纖悉備焉

庶乎足以備外史之傳而呈

乙夜之覽矣 臣雖謫陋不文然茲浙四載是書之本末同

異甄綜討覈未嘗少懈奚敢不臚言簡端而自外於

右文之世也是爲序

乾隆元年六月既望

誥授資政大夫總督淮揚等處地方漕運海防提督軍務

前總督浙江等處地方軍務兼理糧餉管巡撫事兼

理兩浙鹽政兵部右侍郎兼都察院右副都御史加

一級紀錄十一次臣程元章謹撰

勅修浙江通志序

浙東西郡縣自漢以後隸揚州刺史唐隸觀察節度
宋隸安撫使元置江浙等處行中書省逮明洪武初
改爲浙江承宣布政使司領郡九後以嘉興湖州二
府來屬領郡十一

國朝因之而浙江遂爲東南屏翰之首任斯職者不綦重
歟臣自筮仕以來歷官不離浙土今奉

命旬宣夙夜祗懼愧未能勉稱厥職以仰副
聖天子任使之恩意而用以考鏡得失周知政俗則惟志

乘是資蓋志乘者經國之典章致治之龜鑑也欽惟
世宗憲皇帝德盛化神萬方在宥而宵旰勤民不遺遐邇

特命直省纂修通志進呈

睿覽煌煌乎甚鉅典也浙江於雍正九年開局編纂前督臣

相繼裁定於雍正十二年冬先繕稿本咨送

一統志館以備采擇明年秋七月遂以十二年所定之

本檢付剞劂恭逢

皇上御極之始善繼善述庶政方新德祥恩普而覃敷於

浙土者尤至深至渥自宜恭紀簡端以昭示萬古於

是官保大學士制府臣曾筠增纂至雍正十三年而

是書克成既延紳士俾任校讎之役而臣復取其已

校者躬自點勘反覆加詳焉閱一歲而訖工總爲二
百八十卷嘗攷舊通志原本前明薛志體裁大略相
同今是書之成則綜薛志舊志而損益更定之卷首

恭錄

詔諭

聖製爲全志之綱領所謂大書提要依經以樹則附聖以
居宗者也考故實增舊志者四曰封爵曰祥異曰經
籍曰碑碣紀時政增舊志者八曰調恤曰漕運曰積
貯曰錢法曰海塘曰海防曰權稅曰驛傳而人物一
門則增名臣忠臣循吏武功介節而析孝友義行爲
二合儒林文苑隱逸爲十蓋變文以起例依類以定
名瞻而不穢詳而有體可謂殫歲月之纂組羅竹素
之費琛者矣抑臣循覽是編伏觀兩浙自設紳藩以
來克舉其職者如孫原貞之武功白圭之蠲賦余子
俊之講水利劉璋之益軍儲韓縉之築隄捍海畢亨
之發帑賑濟張憲之封議羨銀雍泰之嚴絕私販潘
恩之禁斥食墨熊遠之籌畫昇葵蒙詔之丕釐法紀
王基之殫精綜核他若洊政勤敏如王鈍執守堅定
如徐源忠厚仁恕如杜謙節用愛人如劉大夏敦本
崇儉如李贊鋤奸雅惡如蔣昇莫不樹駿烈於當時

垂休光於來禩展卷如遇益深高山仰止之思若夫疆宇之阨塞徭賦之殷繁人物之彬雅制度之恢宏又皆足以輔益經緯光裕憲章化而裁之推而行之道揆法守於是乎在然則是書之作固非徒侈采摭之富以垂空言於後世實可爲官斯土者之輦鑑也已臣不文未能敷宣景耀裨述紬績而猶得於譬比之餘恭識一言以爲官方之助竊與有榮幸矣

乾隆元年七月朔旦

誥授通奉大夫浙江等處承宣布政使司布政使加一級

紀錄九次臣張若震謹序

勅修浙江通志序

世宗皇帝御極之七年紀綱釐飭制度修明大有類書祥徵

疊見聲教訖於遐荒人民安於耕鑿朝廷之上師師

濟濟閭里之間熙熙皞皞

聖人在上如日中天禮樂文章燦然明備爰

命直省各督撫纂修通志上之史館彙纂

本朝一統志以昭一道同風之盛臣衛時以總督督巡撫

事備員浙省聞

命之下哀羅典籍延禮儒紳設館授餐矢公矢慎一年餘始

脫稱而臣以奉

詔入覲未遑校勘旋蒙

聖恩改授直隸總督屢移書諮詢今總督大學士臣嵇曾筠

始以剗剗告竣進

呈

今上皇帝是書實經始於臣例得附名簡末而藩司亦以

副本郵寄徵序於臣惟周禮夏官司險掌建九州

之圖周知山林川澤之阻達其道路地官誦訓掌方

志以詔觀事以知地俗春官保章以星土辨九州之

地秋官職方掌天下之圖地與其財用周知利害辨

九州之國使同其貫司徒掌邦之土地之圖與其人

民之教以佐王擾邦國周知九州之域廣輪之數辨

其山林川澤邱陵墳衍原隰之名物及土會之數此

志之所自肇也雖然三代以上志之權在上列國各

自爲書獻之天子家宰掌六典實總司其事三代而

下朝不以授攬爲功官不以掌故爲重於是乎風俗

有紀方輿有考太平寰宇輿地廣紀之作雖間亦奉

詔纂述然皆出學士大夫之手自爲一家言逞其才

華創爲體製典麗華瞻則有之至於徵文考獻體國

經野之義或缺焉迨元之中葉始有一統志之舉而

書不傳至明宣德間乃克有成書我

朝因之然遠稽前代各府州縣雖間有志乘而或出之守

令或成自是邦之耆碩挂漏殘缺不全不備欲如我

朝由縣而申之府由府而申之司彙一省之志乘貫申融

會刪煩就簡著爲成書呈之史館蓋亦未之前聞也

夫權操於下則名宦人物方言耆舊皆足以資才人

之膾炙藝苑之采擷魯論所爲識其小也識其小亦

道也權操於上則典章制度因革損益必有關於國

計民生之重然後由鉅以及細由重以及輕因其地

因其時繁簡詳略不失其宜魯論所爲識其大也識

其大而不遺其小此今日作志之體要也民爲邦本

食爲民天浙江戶口殷繁本處所出米穀每不足供
通省一歲之食我

朝

列祖

列宗念切民依豫爲籌畫設立常平倉以備儲積臣洎任之
後詳稽冊籍大縣多至二三萬石小縣亦不下萬石
而且寬租賜復截漕停徵免累年之積欠豁嘉湖之
浮糧又念省會人民聚居且爲諸郡適中之地設立
永濟鹽義等倉約貯米穀五六十萬石所爲先事豫
防者至矣漢唐以來所未之有也浙爲財賦之區地
丁課項不下三百萬金漕米約百八十萬石歲積月
累畸零積欠勢所不免雍正六年清查天下錢糧有
多至千萬及數百萬者浙民未完不過六十萬臣適
承乏茲土歲際屢豐加以勸導不數年所剩無幾此
亦足以見浙民奉上之誠矣而且漕運則冬兌冬開
未十月已悉抵水次鹽政則私梟遁迹官引廣行紹
所如諸暨義烏浦江等縣松所如華萇奉金等縣片
引不銷之地今悉通商設店此皆
聖朝積累深仁淪肌浹髓感民之切入民之深故能至此
載之志乘亦足以徵一時之盛矣東南爲人文淵藪

歷稽史冊理學有人勲業有人忠孝節義與夫雕龍
繡虎之才指不勝屈我

大和中額相符直隸以

畿輔之重而每科館選約略相似雍正八年鼎甲三人
咸屬浙產此自制科以來不多見者上之待士如是
其降下之報上敢不爭自奮與崇實學而謝浮華勵
實行而祛澆薄由是而學校興由是而風俗厚富拭
目埃之至於兵制海防海塘水利尤爲浙省重大之
務浙東西十一郡濱海者六

國家設提鎮置重兵星羅棋布制度嚴密臣自蒞浙以
後月有校歲有閱又遵奉

諭旨首嚴米穀出口之禁而公家協濟運送八閩千艘銜尾
不數日自閩復回如行門戶港汊之間我

朝

聖聖相承德威遠播蒼茫萬里波浪不生然法制禁令固有
不可一日弛者浙東七郡除溫台一帶間有入海水
道其餘溪澗之水並入錢江浙西三郡悉由太湖出
海海口固宜暢流而支河小港之水務使深濬則水
不易涸農家得備車戽行旅便於往來其爲利民豈

淺鮮哉臣在浙省荷蒙

世宗憲皇帝修城開河貯有經費隨飭地方官吏不時相度
宜疏而疏宜濬而濬今聞數年以來略無水旱之虞
然日久則淤勢所必至未淤而疏費省功倍亦大較
也若夫海塘之關係地方雖屬浙省而利害兼及江
南坍塌疑有未意而隄防實藉人力雍正十一年偶
有潰決

特命內大臣臣海望臣馳驛南下相度機宜還

朝覆奏我

世宗憲皇帝屢念千里之廣人民城郭田畝廬舍之重不惜

數百萬帑金

命改建一百餘里大石塘我

皇上甫登大寶卽

命閣臣經理其事此杭嘉湖蘇松常鎮七郡奠安之慶千

秋萬世之計豈僅目前之幸浙民永久之利也哉邦

之人知其大者而用意焉務農桑敦孝弟其民之秀

者務爲明體達用之學以羽翼經傳黼黻

皇猷士大夫之蒞是邦者知其大而留意焉因所當因革

所當革致力於未事之先不爲後事之圖以無負

列祖

列宗暨我

皇上殷殷垂訓之盛心則煌煌

詔諭恭紀首冊一展卷而無非典謨訓誥之垂唐虞三代
之良法美意也其餘山川疆域星野物產等類彙志
者例得備書例所當書亦安得而不書所謂識其大
以及其餘也謹拜手稽首而爲之序

乾隆元年歲次丙辰七月穀旦

誥授光祿大夫太子少保兵部尚書兼都察院右副都御
史直隸總督前浙江總督管巡撫事兼理鹽政節制
江南加十二級紀錄十七次又軍功紀錄一次臣李
衛恭撰

